


# P A L A E S T I N A

vel

## TERRA SANCTA.

**P**ALÆSTINA, olim Chanaan dicta, Idumæam, Iudæam, Samariam, & Galilæam complectitur; tametsi Iudææ nomine totam Palæstinam non raro appellamus. Ea ob Ortum limitem habet Libanum montem; ab Occasu, mare Phœnicium; à Septentrione, Phœnicen; à Meridie, Arabiam Petræam. **IDUMÆI** ab emerfu Sirbonis lacus in Occasum habitant; quorum Vrbes Maresa, Rhinocorura, & intus Raphæa, Gaza (quam alij Iudææ tribuunt) Anthedon, Ascalon, Azotus. **IUDÆA**, ab Occasu & Meridie iuncta est Idumææ, incertis tamen limitibus; & à mari nostro, quod ei est à Septentrione ad Asphaltiten lacum, & aliquantulum ultra porrigitur, ubi Transiordanes nomen habet. Vrbes Iudææ multæ. Sed **Vrbium Orientis** longè clariss. Hierosolyma, templo quod fama sui Orbem terræ impleuit, insignia. Salomon Rex septenni centum quinquaginta millium hominum opere ad culmen perduxit. Ioppe vicus, nunc Iaffo, Turris Stratonis, quam Herodes Tetrarcha in honorem Augusti instauratam, Cæsaream dixit: & intus non ita procul à Hierosolymis Bethleem, Chebron, Cypris, in Transiordane Macherus, Sodoma, Gomorra. **SAMARIA** sequitur Iudæam, inter mare nostrum & Lacum Tiberiadis sita: Vrbes, Sichem, aut Sichima, quæ postea Neapolis. Capernaum in littore Lacus Genesareth, Bethsaida ad Iordanem, Corazim, Magdalum. **GALILÆA** ab Ortum Syria Caua clauditur, latere Occiduo Phœnicia; à Septentrione, Libanus & Antilibanus eam amplectuntur; à Meridie, Samaria: Vrbes, Nain, Cana, Nazareth, Gadara. Galilæa cognomento gentium, finitima Tyriis in sorte Tribus Neptalim; altera in Tribus Zabulon è regione Tiberiadis, ac stagni Genesareth. Iordanis fluuius in Antilibano monte duobus fontibus, quorum alteri Ior, alteri Dan nomen est exortus, mediam Iudæam perlabitur; qui vt nominibus, ita aquis iunctis duos Lacus facit; primùm, Genesaram; alterum, Tiberiadem: & in Asphaltiten Lacum, qui bitumen gignit, & in quo nihil mergitur, atque ob immobilitatem aquarum, Mare mortuum dicitur, sese infundit, in eoque aquas suas laudatas pestilentibus mistas amittit: Longo à Hierosolymis recessu campi sunt igne diuino exusti: altis enim cineribus terra oppleta est: poma in eo loco nata, quamuis foris viridia, & esui apta videantur, intus tamen fuliginem quandam nigram habent, vt mandi non queant. Esseni interiora Iudææ tenent, à reliquorum hominum ritu recedentes, abstinent ab vxoribus, vino, carnibus; quotidianum ieiunium in naturam vertunt; pecuniam nesciunt; vitam patientius quàm **DEI** cultum, aut reliqua pietatis officia deserunt: gens æterna, quamuis in ea nemo nascitur, indies tamen conuenarum turba renascitur. Hæc ex Georgij Rithaymeri descriptione sumpsimus. Hanc laudatissimam Regionem (præter sacra Biblia) descripserunt Iosephus lib. 3. de bello Iudaico, cap. 2. F. Brochardus Monachus fusissimè; Vadianus in sua trium Orbis partium epitome doctissimè; Iacobus Zieglerus; & Wolfgangus Wissenburgius; Postellus in libello de vniuersitate. & alij qui eam lustrarunt, vt Petrus Bellonius, in obseruationibus; Andreas Theuetus in sua Cosmographia Orientali; Iudocus à Gistele. Huius Regionis aut potius totius Orbis Urbem primariam Hierosolymam exactissimè descripserunt Iosephus, lib. de bello Iudaico. 6. cap. 6. & nuper septem libris Adamus Reisnerus. His, quis potest adiungere Georgij Agricolæ Hammonij Itinerarium Beatæ Mariæ.






Antiquissima  
huius terre appellatio  
fuit Canaan, a filio Cham sic  
dicto: cuius filij eam inter se dis-  
tribuerunt. Fuerunt autem hi Sydon,  
Hethæus, Iebuseus, Amoræus, Gergesius,  
et Hamathæus, etc. Retinuit autem hæc ter-  
ra hoc nomen, donec Israelitæ posterita-  
te Canaan partim cæsa, partim subacta cæ-  
occuparent: Inde cepit uocari Israel a  
Iacob patriarcha. Ptolomeus et alij eam  
uocant Palestinam a Palestinis quos  
sacri libri Philistinim uocant  
Hodie eam terram Sanc-  
tam nuncupant.

PALESTINÆ SIVE  
TOTIVS TERRÆ PRO-  
MISSIONIS NOVA  
DESCRIPTIO AVCTORE  
TILEMANNO  
STELLA SIGENENSIS.

Cum privilegio

Leuc.	5.	10.	15.	20.	25.	30.	35.	40.
Mil. Germanica.	3.	6.	9.	12.	15.	20.	24.	30.
Stadia.	80.	160.	240.	320.	400.	480.	560.	640.
Mil. Italica.	4.	8.	12.	16.	20.	24.	28.	32.





PALESTINA  
TERRAS  
MONTANA  
MARE  
MARE